

嘉靖馬湖府志

地280.119

1275

21-2

部三

嘉靖馬湖府志

地280.119

1275

21-2

部三

天一閣藏明代方志選刊

馬湖府志

一九六三年五月上海古籍
書店據寧波天一閣藏明嘉
靖刻本景印原書版框高二
八·八公分寬一七·五公分

馬湖府志叙

馬湖舊志載安氏事詳而修殆
家乘也故不且觀嘉靖辛亥臺
史鄒公懋卿以檄諸府重脩之
其守趙君時吉乃請於監司王
公景家以屬諸余二君子相繼

馬湖府志

序一

遷去遂若置之弗讀矣及李君行
簡來守是邦諮其故請焉於是
乎取其陳編而刪次之馬湖古
祥柯郡地舊志弗考述人文風
俗山川物產之美闕如也是故紀
蜀事惟璩華陽國志與蜀書

相表表者訂訛補隙什可得三
四矣若馬湖雜夷民處南徼雄
鎮也用夏變夷之道自漢晉來
已疆域其土列郡編戶置吏而
守之矣故稱梓柯太守之蹟者
前有吳霸陳立後有張亮則

費詩馬忠俱著勲烈斯則建樹
顯而藩屏固矣祇人士藝誼之
善則尹珍倡經學南域謝恕之
忠蒙不臣雄尹貢以名德隄通
以孝皆著聞焉斯則文紀布而
常道陳矣是知詩賢而為之牧

為里師焉沿聲聲化要束文教
於異壤者振古則然矣逮唐宋
間建置多稱羈縻郡故有刺史
而稱世襲者焉大姓而僭稱侯王
者焉漸被所及稱人士者而能與
跡數君子比崇焉則鮮矣至於

國朝洪武初因湖內歸附之衆置
世牧守之猶蕃服也弘治間改設
流署乃因其舊邦滌濯垢翫而
圖乎維新之治固難乎其蒞始
者矣至於今

列聖相承化覃教洽郡大夫又

從而涵濡懷保和贊其綏遠之
治業者久而烈矣是故詩書漸
於庠序譽髦征焉禮樂辦乎
椎髻執物章焉考淑賦也雅雜
出乎虞衡之役則額貢飭而旅焉
籌戎豫也雖調集其族類之土

率則犀銳律而臧焉紀邈德以
樹聲也則夫剔股之懿死鏑之雄
飭才賑急之義炳焉為齊光鄰
史雖擬乎振古之賢無愧矣是亦
志人文風俗而輔之以循政焉藩屏
所先也初馬湖世牧也而無域制莫

敵城也今而池術扁鑰捍禦之緩
急在我矣是宜城惟時李君守
馬湖卓有才蹟乃遭其郡中回
祿之異遂翦治其府署而一新之
蓋才之邁鼎鼐之治象也城可浚
乎哉是故志夫城者闕也用告
良牧

馬湖府志

序五

嘉靖乙卯秋七月


賜進士翰林院 國史修撰青
神方池子余承勛書

府志叙畢




北至宜賓竹崖西一百三十里

馬湖府地理圖



南至蒙馬界一百四十里

馬湖府境內圖



馬湖府志目錄

賜進士第翰林院 國史修撰青神余承勛修

第一卷

府紀

府表

第二卷

秩官表

人物表

第三卷

馬湖府志

目錄一

提封上

提封下

第四卷

創設

食貨

第五卷

秩祀

儒學

第六卷

秩官列傳

良牧列傳

第七卷

人物列傳

孝義傳

雜志

馬湖府志卷上



賜進士第翰林院 國史修撰青神余承勛修

府紀卷之一

府紀

叙曰馬湖古牂柯地華陽國志周之季世楚威王遣將軍莊驕泝沅水出且蘭以伐夜郎植牂柯繫船於岸而步戰既滅夜郎以且蘭有牂船牂柯處乃改其名爲牂柯而且蘭牂柯國分侯秦并蜀置吏守之逮漢武遣唐蒙開牂柯越雋始置郡自後多稱羈縻州而子孫世牧者有矣然秦楚以前聲教名物闕如也故建置斷自漢武因據其後世登降沿革之故作府紀而以四長官司附之

漢武帝元鼎二年平西南夷置牂柯越雋沈黎汶山犍爲益州六郡

元鼎六年置牂柯郡十七縣

胡且蘭 鐔封 敬邑 漏 平夷 同並 指談 宛溫 母歛 夜郎 母卑 漏江 西隨 都夢 淡藁 進桑 向虹 平夷見此

元封元年分犍爲建牂柯郡

元封二年分牂柯置益州郡

轉唐蒙為都尉開牂柯以重幣諭告諸種侯王侯王服
後因斬竹王置牂柯郡以吳霸為太守

成帝綏和元年邊郡置都尉六牂柯其一

昭帝元鳳五年罷象郡分屬鬱林牂柯置益州刺史部
凡八郡牂柯其一

新莽更名牂柯曰同亭郡不服

建興元年牂柯太守朱褒擁郡反

三年分建寧牂柯為興古郡

晉武帝太康四年牂柯獠二千餘落內屬

馬湖府志

府紀二

惠帝大安元年復治寧州增統牂柯

永嘉元年置關戍楚道時益州流移在越雋牂柯楚道即牂柯地

置牂柯郡八縣萬壽 且蘭 指談 夜郎 毋歛 昇渠 營 平夷

咸和八年牂柯太守謝恕舉郡為晉壽破之

雄弟壽破獲南中惟牂柯謝恕不為壽所用

元熙元年犍為太守雷炤流民陰貢平樂太守董霸破

牂柯平夷南廣北降李雄

梁武帝天監十年務恢境宇平俚洞破牂柯

隋開皇中置牂州統縣二 牂柯帶郡 賓化

隋末牂柯渠帥姓謝氏大亂遂絕

唐武德二年謝龍羽遣使者朝拜牂州刺史夜郎郡公其北百五十里有別部充州蠻亦來朝賀開元二十五年其酋趙君道來朝貞元中至十八年五遣使朝元和二年五月詔黔南以將押領牂柯昆明等使八年上表請盡歸牂柯地開成元年鬼主珂瓊內屬會昌中封其別帥為羅殿王世襲爵後人封別帥為滇王皆牂柯蠻也

馬湖府志

府紀三

唐武德三年以牂柯首領謝龍羽地置充州

貞觀中牂柯酋遣使修職貢勝兵戰士數萬於是列其地為牂柯羈縻州

貞觀三年牂柯酋長謝能明及充州蠻入貢詔以牂柯為牂州

長慶中治縣五有石門龍騰和我馬湖移風伊祿義賓可封泥溪開邊平威十一鎮兵有奮戎城馬湖泥溪見此

乾符二年高駢築城於戎州馬湖鎮號平夷軍又築城

於沐川沐川見此

因馬湖部置長寧軍立安寧縣

置戎州南溪郡中都督府貞觀中徙治犍道

即馬湖地

宋乾德四年平蜀後改為蠻主湖內屯住

五年牂柯順化王子等來獻方物

八年順化王子若廢等來獻名馬

太宗淳化五年西南蕃牂柯諸蠻來貢詔封西南蕃主

龍漢瑋為歸化王子

真宗祥符二年西南蕃龍漢瑋來貢賀東封加漢瑋寧

德大將軍

馬湖府志

府紀四

至道元年南寧州龍漢瑋遣使率西南牂柯諸蠻貢方

物召見詢問地理風俗賜冠帶銀帛俾與崇德殿上

壽宴

咸平元年牂柯謝再殊等來貢賜卮酒勞之

二年九月首領張文默等貢名馬六十匹

治叙州上南溪郡軍事羈縻州三十

商州
川州

馴州
騁州

浪
在

馬湖江
在石門路舊志郡有瀉州

元世祖壬申發察罕腦兒軍千人治晉山道立馬湖路

總管府

癸卯陝西簽省也速帶兒嚴忠範與東西川統軍司率兵及宋兵戰於嘉定重慶馬湖江皆敗之擒都統牛宣

世祖以沐川等五寨割隸嘉定者還隸馬湖蠻部置馬湖府領長寧軍戎州

至元十二年郡守黃立挈城効順二十二年設錄事司至正十三年內附立總管府遷於夷部溪口瀕馬湖之南岬創府治

馬湖府志

府紀五

年本部官得蘭紐來見授以大堪都總管二十二年升爲戎州州治在箐前

改馬湖路總管分其地置六長官司屬叙南蠻夷宣撫

司雷坡 泥溪 平夷 蠻夷 夷都 沐川

至正六年併司爲三後二十三年僞夏明氏據蜀復分司爲五

國朝洪武四年改爲馬湖府領泥溪平夷蠻夷沐川四長官司

弘治九年改設流官知府仍領四長官司